

An Chon Atatur Kewe Pwuung

Ran anim. Popun omw nomw ikei pun seni omw charge ren ew crime ika tipis. Wisei ngang chon uronuk met omw rights ika pwuung. Nge mesemwan ai upwe wewei omw kei pwuung, mwut ngeniei ai upwe awewei met epwe fis me murin.

En ka charge ren ew misdemeanor ika tipis kukun, ikenai me non kapwung kopwene sinei met ekkei charges repwe ngonuk me aukukun omw wattenon ika maximum pwupwungaw fanitan ekkei charges. Kopwe pwan sinei ekkoch kukunun ika minimum pwupwungaw repwe apply ngonuk ika pun en mi fangeta (wewen guilty) ika convicted. Murin, ewe Soukapwung epwe eisinuk ika ke mochen plead guilty (fangeta) ika not guilty (kose fangeta), iwe kopwe pwan ureni ewe Court menni choice kopwe finata. Upwe pwan awewei ngonuk ekkewe choices o met epwe tongeni fis ngonuk.

Ei arongorong ika hearing epwe ekis sokono ika pun ke charge ren felony. Ika ka fen charge ren felony (wewen, tipis watte), ewe hearing ikenai epwe akomw me mwan meinisin. Ewe Soukapwung esapw eisinuk ikenai omw kopwe plead guilty ika not guilty. Repwe chok ngonuk ranin omw kopwe pwan chutiw murin ren kapwung, ra eita ngeni preliminary hearing. Ei preliminary hearing esapw pwarata ika en mi guilty ika kose guilty ren ekkewe charges. Me nukun ei, ewe prosecutor, ewe a wisen tupwuni ewe State of North Dakota, epwe pwar ngeni Court pun mei chok wewe ngeni ew tipis nge esanmwo fat pun en chon fori. Ika ewe prosecutor mi pwarata ekkoch evidence ika pisekin pwarata an epwe afata pun mei wewe ngeni ewe tipis nge esapw en chon fori, ika pusin en ka finata pun ewe preliminary hearing ese need an epwe wor ren omw we keis, iwe kopwe plead guilty ika not guilty ren ekkei charges.

Iwe, ei hearing ikenai epwe iei usun. Repwe kori itomw iwe kopwe tonong. Repwe anea ngonuk omw kewe charges me uronuk aukukun met repwe atipisuk won. Repwe pwan uronuk ika mei wor ekkoch kukunun ika minimum pwupwungaw mi pwan pachenong ren ekkei charges. Ika en mi pin charge ren misdemeanor, ika tipis kukun, Ewe Soukapwung epwe uronuk omw kopwe angei ew plea (atipeew) ren guilty ika not guilty. Ika en mi pin charged ren ew felony, ika tipis watte, iwe

repwe ngonuk ranin omw next mwichen hearing. Nesopwonon omw we hearing ewe Soukapwung epwe ngonuk ekkoch mettoch kopwe fori, epwe fanitan pungutiw moni, epwe fis fanitan omw kopwe fiti meinisin mwokutukutun court epwe fis mwach kan.

Iwe iei upwe uronuk omw kei rights ika pwuung.

- Mei wor omw pwuung omw kopwe sinei ekkewe charges fanitom me ekkewe pwupwungaw ren ekkei charges.
- Mei wor omw pwuung omw kopwe nomw non court nupwen epwe wor kapwung epwe fis ren omw ei keis.
- Mei wor omw pwuung ren kamaranon fansoun omw kopwe moneta ren omw defense ika met ka mochen finata are ika met kopwe tongeni fori.
- Mei wor omw pwuung omw kopwe tou me non kanapwus ren ekkoch auchean popun me wewen omw kopwe niwinsefan ngeni court nupwen epwe tori fansoun.
- Mei wor omw pwuung ren ew speedy public trial.
- Mei wor omw pwuung omw kopwe angei aureur seni noum lawyer me mwan kopwe fori ekkoch mettoch, ponuweni ekkoch kapas eis ika fan ekkoch nupwen epwe wor mettoch epwe fis fanitan omw we keis. Ren ekkoch crimes ika tipis mi mumuta me non annuk an epwe wor noum lawyer ika mwo kosapw naf omw kopwe meeni emon lawyer. Ren ekkei tipis, ika kosapw tongeni meeni emon lawyer an epwe anisuk, esapw ren watten omw niwinimang, ewe Soukapwung epwe ngonuk emon mi kamo seni monian mwuun. Ekkei sakkun lawyer ra eita ngeni public defender. Iwe nge en mi pwan required omw kopwe mensefani meinisin ika nesopwun niwinin ewe lawyer ika en mi convicted ika tipis.
- En mi “presumed innocent” (wewen, esanmwo fat pun en mi wesewesen guilty) tori ewe state an epwe fokkun prufuni ika affata omw guilt/tipis “beyond reasonable doubt”, ese pwan wor met me nukun.
- Mei wor omw pwuung ngeni ew jury trial ika kopwe plead not guilty. Ika en mi fori seni ewe jury, meinisin chon ewe jury repwe tipeew pun en mi guilty me mwan kopwe convicted. En mi pwan tongeni tungor an esapw wor jury trial me poraus ngeni ewe Soukapwung an epwe finata omw keis, nge ewe prosecutor me ewe Soukapwung repwe chok tipeew ngeni omw we tungor.
- Mei wor omw pwuung omw kopwe churi me kapas eis ngeni ewe prosecutor fanitan ekkewe chon pwarata fanitomw.
- Mei pwan wor omw pwuung ren ewe State of North Dakota omw kopwe nounou/eaesa “subpoena”, ika taropwen annuk seni court, ika ngeni ekkoch ren och popun fanitan ekkoch poraus fanitomw.

- Mei wor omw pwuung omw kopwe fanefaneno me kosapw poraus won pusin inisum. Ika ke finata omw kosapw poraus, esapw tongeni pinei senuk omw kei pwuung ika osukosukok ren ekkoch wewe.

Ikkei omw kei pwuung. Iwe upwe pwan awewei met epwe fis ika kopwe plead guilty.

Ika kopwe plead guilty, ren ikenai ika murin, en ka fangeta meinisin ekkewe pwuung uwa fen awewei, pachenong ewe pwuung ren trial seni jury, ewe pwuung omw kopwe churi ekkewe chon pwarata, me ewe pwuung omw kopwe fanefaneno.

Kopwe meni angei an ewe prosecutor recommendations ika memef ren omw we sentence ika pwupwungaw ika ke plead guilty. Kopwe sinei pun ewe Soukapwung esapw fiti met ewe prosecutor a recommendini. Ewe Soukapwung mi chok tongeni an epwe impose won sentence esapw nifinifin met a ekieki mei eoch, mei fokkun tichik ika pochokun seni met ewe prosecutor a recommendini. Ika ewe Soukapwung esapw tipeew ngeni ekkewe sentence ewe prosecutor a recommendini, **kosapw** tongeni omw kopwe withdraw ika siwini omw we guilty plea.

Mei wor ekkoch sakkun mwokutukut mei pwan wor sopwosopwun niwini fanitomw ika kopwe plead guilty ika fen guilty. Kose mochen auseningeoch.

Ika esapw en emon chon Merika nge en mi plead guilty ika fen guilty ren ew crime, en mi tongeni deport ika niwin ngeni fonuwomw. Mei wor omw pwuung omw kopwe sinei me pwan poraus ngeni ewe consulate/embassy seni fonuwomw, me pwan churi emon lawyer mi sinei usun annukun immigration me mwan kopwe tonong non ew guilty plea, ika epwe ew osukosuk ngonuk.

Ika en mi convicted ren ew felony ika tipis watte, ika ekkoch misdemeanors ika tipis kukun nupwen omw nounou ika pusin wor noum kewe pisekin afeiengaw, me pwan ika mi wor omw trial ren felony charges, ika fen wor omw domestic-protection ika no-contact order, ika en mi pin convicted ren ew domestic violence ewe annuk epwe anuku ika aukatiw sonuk an epwe wor remw, ika omw kopwe angei pisekin afeiengaw.

Ika en mi convicted ren ew felony, ika tipisin nisou, ika ekkoch crimes fanitan emon semirit, iwe

kopwe pwarata ew sample ren chaamw ika ekkoch chonun non inisumw. Ewe sample epwe chek me porausan omw we DNA epwe pachenong non noun police database ika computer. Ika en mi convicted ren ew tipisin nisou fanitan emon semirit, kopwe pwan register ren emon offender ika chon tipis.

Ika en mi fen nomw won probation nge en mi convicted ren pwan ew minafon tipis, mei tufich omw we probation epwe kauno iwe en mi tongeni ares ika kanapwus ren ena tipis.

Ika en mi convicted ren ew tipis mi forata an epwe atai pisekin emon, ewe Soukapwung mei tongeni orderinuk omw kopwe meeni ngeni ewe aramas met en mi atai.

Ika ke plead guilty ika fen guilty, ewe State Legislature mi require an ewe Court epwe awora ekkoch fees ika meen. Nupwen ekkewe charges me pwupwungaw repwe awewei ngonuk, repwe pwan uronuk fitu ukukun meen ren ewe sakkun keis.

Ika en mi apply ren emon public defender, kopwe wisen meeni angangen omw na taropwen application.

Ikkei ekkei mettoch mei auche omw kopwe chemeni nupwen sipwe poputani ach ei mwokutukut ikenai. Kinisou ngonuk ren omw ausening.

Non court, ewe Soukapwung ika ewe clerk epwe kori itomw ika nampan omw na keis. Nupwen repwe kori itomw, kose mochen kopwe utta o tonong pwe repwe tongeni poputa omw na mwichen kapwung.